



Na osnovu člana 21. i 23. Zakona o izbjeglicama iz BiH i raseljenim licima u BiH („Službeni glasnik BiH“, br. 23/99, 21/03 i 33/03), Odluke o rasporedu sredstava po namjenama i iznosu sredstava za 2018. godinu („Službeni glasnik BiH“, br. 71/18), Odluke o preraspodjeli neutrošenih sredstava po prethodno odobrenim zajedničkim projektima („Službeni glasnik BiH“, br. 71/18) i Odluke o načinu i procedurama odobravanja sredstava udruženih u Fond za povratak BiH namijenjenih za realizaciju prava iz Aneksa VII. Dejtonskog mirovnog sporazuma („Službeni glasnik BiH“, broj 63/16), Ministarstvo za ljudska prava i izbjeglice BiH objavljuje

JAVNI POZIV

za dostavu projektnih prijedloga za obnovu i izgradnju komunalne i socijalne infrastrukture na prostorima na kojima žive raseljena lica i povratnici iz sredstava za 2018. godinu

Finansijska sredstva

Odlukom o rasporedu sredstava po namjenama i iznosu sredstava za 2018. godinu i Odlukom o preraspodjeli neutrošenih sredstava po prethodno odobrenim zajedničkim projektima za projekte obnove i izgradnje komunalne i socijalne infrastrukture na prostorima na kojima žive raseljena lica i povratnici raspoređena su sredstva u ukupnom iznosu od 1.798.004,71 KM.

Pravo na dostavu projektnih prijedloga

Pravo na dostavu projektnih prijedloga Ministarstvu za ljudska prava i izbjeglice BiH (u daljnjem tekstu: Ministarstvo) imaju općine, gradovi u BiH i Brčko Distrikt BiH. Javne ustanove, nevladine organizacije i vjerske zajednice mogu aplicirati putem općina, gradova i Brčko Distrikta BiH.

Ranije dostavljeni projektni prijedlozi, zahtjevi, informacije o potrebama u obnovi i izgradnji komunalne i socijalne infrastrukture, aplikacioni formulari i slično ne mogu biti predmet razmatranja.

Predmet projektnih prijedloga

Predmet projektnih prijedloga može biti obnova i izgradnja:

- putne infrastrukture,
- vodosnabdijevanja i kanalizacije i
- socijalne infrastrukture (ambulante, škole, domovi kulture i vjerski objekti).

Izrada i način dostave projektnih prijedloga

Projektni prijedlog je na propisan način popunjen i ovjeren aplikacioni formular za iskazivanje potreba u obnovi i izgradnji komunalne i socijalne infrastrukture na prostorima na kojima žive raseljena lica i povratnici (aplikacioni formular).

Za svaki navedeni predmet pomoći izrađen je aplikacioni formular koji je dostupan na veb-stranici Ministarstva: www.mhrr.gov.ba, a može se preuzeti i u regionalnim centrima Ministarstva na sljedećim adresama:

- Regionalni centar Sarajevo, Vilsonovo šetalište 10, Sarajevo, tel. 033/714-207
- Regionalni centar Banja Luka, Vidovdanska bb, Banja Luka, tel. 051/223-580
- Regionalni centar Mostar, Mladena Balorde 77, Mostar, tel. 036/555-841 i
- Regionalni centar Tuzla, Kralja Tvrtka 2, Tuzla, tel. 035/253-603.

Projektni prijedlog (na propisan način popunjen i ovjeren aplikacioni formular) kovertira se i poštom dostavlja na adresu: Ministarstvo za ljudska prava i izbjeglice BiH, Trg BiH br. 3, 71000 Sarajevo, sa oznakom JAVNI POZIV – dostava projektnih prijedloga za obnovu i izgradnju komunalne i socijalne infrastrukture.

Finansijska vrijednost projektnog prijedloga

- za projekte sanacije putne infrastrukture, vodosnabdijevanja i kanalizacije maksimalno 100.000,00 KM
- za projekte socijalne infrastrukture maksimalno 50.000,00 KM.

Rok za dostavu projektnih prijedloga

Rok za dostavu projektnih prijedloga je 21 dan od dana objavljivanja Javnog poziva.

Kriteriji za izbor prioritetnih projektnih prijedloga

- broj direktnih korisnika (porodice povratnika i raseljenih lica)
- iznos traženih sredstava po projektnom prijedlogu
- finansijska vrijednost po korisniku projekta (po porodici povratnika ili raseljenih lica)
- sufinansiranje projektnog prijedloga

Procedura izbora i realiziranja projektnih prijedloga

- Ministarstvo zaprima projektne prijedloge, evidentira i sistematizira dostavljene podatke, izrađuje izvještaj o rezultatima Javnog poziva.
- Po potrebi, Ministarstvo putem svojih regionalnih centara obavlja terensku kontrolu podataka prezentiranih projektnim prijedlozima.
- U svrhu izrade prijedloga liste prioritetnih projektnih prijedloga, Ministarstvo imenuje članove Komisije za izbor prioritetnih projektnih prijedloga za obnovu i izgradnju komunalne i socijalne infrastrukture.
- Na osnovu kriterija iz Javnog poziva, Komisija za izbor prioritetnih projektnih prijedloga za obnovu i izgradnju komunalne i socijalne infrastrukture izrađuje bodovnu listu kriterija i u skladu s njom vrednuje projektne prijedloge.
- Nakon vrednovanja projektnih prijedloga, Komisija za izbor prioritetnih projektnih prijedloga za obnovu i izgradnju komunalne i socijalne infrastrukture izrađuje prijedlog liste prioritetnih projektnih prijedloga i dostavlja ga Komisiji za izbjeglice i raseljena lica BiH.
- Komisija za izbjeglice i raseljena lica BiH donosi odluku o izboru i finansiranju projektnih prijedloga obnove i izgradnje komunalne i socijalne infrastrukture.
- Izabrane projektne prijedloge realiziraju općine (podnosioci projektnih prijedloga).
- U skladu s procedurama, Ministarstvo nadzire realizaciju izabranih projekata.
- Fond za povratak BiH, u skladu sa svojim procedurama, finansijski realizira izabrane projekte.

Nepotpuni i neblagovremeno dostavljeni projektni prijedlozi neće biti razmatrani.

Sve dodatne informacije u vezi s Javnim pozivom mogu se dobiti na telefonski broj: 033/703-950 ili na telefonske brojeve regionalnih centara.

MINISTRIČA
Semiha Borovac

Broj: 01-41-6-2880-1/18
Sarajevo, 22.10.2018. godine